



**Vniuersa Theologia Scholastica, Speculatiua, Practica**

Ad methodum S. Thomæ, quatuor Tomis comprehensa

**Tanner, Adam**

**Ingolstadii, 1626**

IV. An, & qua ratione, & de quibus rebus, inter Angelos, vnuſ alterum  
illuminet.

---

[urn:nbn:de:hbz:466:1-72856](#)

Thomæ, quam secuti sumus, Angelos intelligere eiusmodi secreta sibi per locutionem patefacta, mediante aliqua specie intelligibili, ut præter autores quintæ & sextæ sententie, tradunt etiam plerique recentiores, qui nostram sententiam de locutione Angelica sequuntur, & expresse etiam docet S. Thomas infra citandus: quicquid Albertinus coroll. 11. num. 2. cum nonnullis assertat, non posse dari species eiusmodi occulorum. Hæc autem species ex dictis supra q. 3. dub. 2. non est diuersa ab ea, quâ ipsa Angeli loquentis substantia repræsentatur, ac proinde non est de nouo indita, sed ab initio congenita, vt cum sancto Thoma quæst. 55. articulo secundo recte Bannes citat. quæst. 107. artic. 4. Zumel ibidem quæst. 3. & Gregorius de Valentia loc. cit. quicquid incontratrum dixerint, Ferrariensis, Caetanus, Suarez, & alij quidam. Ea vero species, secretiam patefacta repræsentat, vel noua quadam modificatione in ipsa interueniente, vt Zumel existimat, vel quod verius existimo, sine villa ipsius mutatione, eo solum, quod impletur conditio, ad tales repræsentationem requista, vt recte Bannes, & indicat Valentia loco cit. Atque hæc ipsa videtur sententia sancti Thoma quæstione 9. de verit. articulo 4. ad 11. vbi ait, quod *Angelus per speciem innatam, per quam cognoscit alium Angelum, cognoscit etiam eius cogitationes, cum primum sibi resellantur ab alio.* Ipse vero Angelus loquens proprias eiusmodi affectiones cognoscit, seu per suam essentiam, seu potius per seipsum, vt dictum q. præced. dub. 3. & recte Albertinus coroll. 10. num. 11.

31 Colligitur septimo, eodem etiam modo Angelum loqui tum inferiorem Angelo superiori; vt habet communis apud S. Thomam quæst. 107. artic. 2. ex Dionysio cap. 7. cœlestis hier. vbi inferiores Angeli inducuntur superiores interrogasse. *Quis est iste Rex gloria? Tum Angelum etiam quemlibet ipfi Deo, iuxta illud Zacharia 1. v. 12. Respondit Angelus D E O, & dixit, Domine exercituum, *Vsquequo non misereberis Ierusalem?* & Iob. 2. à. v. 2. Respondens (Satan D E O) ait, *Circuius terram, &c.* nisi quod Angeli per relationem suorum conceptum ad Deum, nihil ipsi manifestum faciunt, sed solum suos conceptus illi ea ratione submittrunt, vt cum S. Thoma cit. quæstione 107. articulo 3. recte citati pro nostra sententia.*

Nobis vero Angelinon ita loquuntur. Quia cum nos in intelligendo dependeamus à corpore, non potest sola voluntas Angeli ordinantis ad nos suos conceptus, sufficere nobis ad ipsos intelligendos. Loquuntur ergo nobis vel in aspetto corpore, aut aliter mouendo sensus exteriore, vel interior excitando seu immutando phantasmatum, mediante commotione spirituum animalium, iuxta sanctum Thomam tota quæstione 111. & Vasquez disput. 218. de qua re plura quæst. 5. Animæ vero separatae eadem ratio viderur, quæ Angeli, vt ex communide disput. 216. num. 29. & Suarez cap. 28. a num. 63.

Colligitur vltimo, etiam nos ad modum supra explicatum loqui posse Angelis; ita vt naturaliter nostra cogitata modo superius explicato intelligent, vt etiam supponunt autores nostræ sententie; quicquid alij necesse habeant, aliter ratiocinari, rati Angelos in se ac intuitu non posse cognoscere nostros conceptus; cum nullam ipsis speciem possimus imprimere; vt videre est apud Suarez hic cit. lib. 2. cap. 28. a num. 63.

## D V B I V M IV.

*De illuminatione Angelica: an, quare ratione, & de quibus rebus quicquid Angelorum alios illuminant.*

S. Thom. 1. p. q. 106. aa. 4.

A ffinis est locutioni Angelicae illuminatio; quia vt S. Thomas dicit. q. 107. art. 2. *Omnis illuminatio est locutio in Angelis; sed non omnis locutio est illuminatio:* cuius proinde rationem & modum sequentibus assertionibus breuiter explicamus.

Assertio I. Inter Angelos vnu aliquis illuminat alterum. Ita cum S. Thoma cit. q. 106. art. 1. & in 2. dist. 9. art. 2. & dist. 11. q. 2. a. 2. & de verit. quæst. 9. art. 1. & in comment. in 1. Cor. 13. Theologi omnes, excepto Durando in 2. dist. 11. q. 3. num. 10. qui dum dicit, omnes Angelos propriæ solum illuminari à Deo; vnum autem ab alio non aliter illuminari, nisi quia vnu post alium, ordine quodam consequentia à Deo illuminatur, re ipsa illuminatione vnius Angeli per alium negat; qui etiam idcirco merito ab omnibus Theologis rejicitur.

Probatur assertio ex S. Dionysio qui id ipsum etiam exscriptura probat, cap. 7. cœl. hier. vbi ait: *Hoc enim Theologi plane tradant; inferiores cœlestium naturarum ordines à superioribus ritè diuinæ scientia discere; summos autem à Deo ipso pro suocapitu doceri mysteria. Quasdam enim earum inducunt ritè à prioribus hoc discere, Dominum esse virtutum cœlestium, regemque gloria eum, qui in cœlos ut hominem dedit, elatus est.*

Et cap. 8. *Media, inquit, cœlestium spirituum distinctio, quæ diuinæ has proprietates in se continet, purgatur quidem, & illustratur, atque perficitur, vt dictum est, à diuinis illustrationibus; quæ ei secundo loco dantur & inseruntur, per primam illam hierarchie distinctionem, ac per medianam illam secundo loco diffunduntur, &c.* Itaque ea quæ nobis de sacerdotali pontifico que munera prodita sunt, primos spiritus, virtutes inferiorum percipientes, illustrantes, atque purgantes appellant, quod eorum procurazione, & ad principium quod præstat ceteris efferantur, & participes sunt pro captu suo diuinarum purgationum, illustrationumque, aperfectionum. *Hoc enim in uniuersum diuina prescriptio ne ac lege pro Dei dignitate sanctum est, ea quæ secunda sunt, primorum procurazione participare diuinis illustrationibus.*

Idque

Idque mox probat idem Dionysius particularibus quibusdam scripturæ exemplis. Id quod multis, inquit, locis à Theologo ( seu scriptoribus sacris ) enuntiatum , expositumque inuenies. Cum enim diuina paternaque humanitas ( seu diuina benignitas ) Israelicum populum conuersione ac penitentia eius studio, sanctaque salutis causâ eruditum, ac feris crudelibusque gentibus corrigitum tradidisset, cum omni providentia ad meliora renovatione, captiuitatique liberatione, benigne etiam ad pristina beneficia reuocauit. Videt Zacharias Theologorum unus ( Zacharia cap. 1. & 2. ) unum ex primis Angelis, ut mihi videtur, & qui DEVM circumplant, &c. alterum autem inferioris ordinis Angelum, qui prior obuam antecedebat, eo consilio ut illustrationem acciperet, fieretque particeps; deinde eundem cum ab eo diuinum consilium, ut à Principe didicisset, etiam Theologum ipsum ex impositione nunc docuisse, fore ut Hierusalem à magna hominum multitudine incoleteret.

Hoc etiam Ezechiel ( cap. nono ) Theologus alius à præclara diuinitate in Cherubim sedente sanctum esse dicit. Israelicum enim populum, ut diuum est, Paterna Humanitas castigatione ad meliora traducens, aquitare, quæ D E O digna est, ab insontibus innocentes secerendos distinguendoque censuit. Hoc primum secundum ( sive post ) Cherubim, dicit is, cuius renes sapphivo præcincti erant, quique talari ueste Hierarchie insigni amittuntur erat. Reliquos autem Angelos, qui securis tenebant, diuum ordinum Princeps, diuum de ea re iudicium tubet à priore discere. Nam hunc quidem iustitiam Hierusalem præterire, signum impriuovere in vivorum innocentium frontibus: alijs autem dixit, Transite per ciuitatem sequentes eum, & percute: non parcat oculus uester, neque misericordia. Ad omnem autem, super quem videritis signum, ne accedere.

Et cap. 5. de Eccles. Hier. de supremis Angelis loquens ait: Ha in subiectos sacros ordines benigne, atque pro captu cuiusque, data sibi à perfecta, sapientiaeque effectrice diuinitate, diuinarum rerum scientiam cognitionemque diffundunt. Idem docent SS. Patres alij, speciatim Cyriillus Alexandrinus lib. 1. in Ioann. cap. 9. Augustinus in psal. 118. conc. 18.

Ratio est. Tum quia, ut sanctus Dionysius dixit, DEVS solet infima per media, & media per summa, regere & administrare: quo spectat etiam illuminatio creaturarum intelligentium. Tum quia, ut sanctus Thomas cit. art. 1. argumentatur: Lumen secundum quod ad intellectum pertinet, nihil est aliud, quam quedam manifestatio veritatis, secundum illud ad Ephesios 5. Omne quod manifestatur, lumen est. Unde illuminare nihil aliud est, quam manifestationem agnitæ veritatis alterius tradere; secundum quem modum Apostolus dicit ad Ephesios 3. Mibi omnium sanctorum minimo data est gratia, illuminare omnes, quæ sit dispensatio sacramenti absconditi a seculis in D E O. Sic igitur unus Angelus dicitur illuminare alium, in quantum ei manifestat veritatem, quam ipse cognoscit. Ita sanctus Thomas; cuius ratio petitur ex ipsa notione nominis, supposita veritate facti, quod unus An-

gelus alteri veritatem manifestat; ut etiam inter homines accidere solet, &c.

Assertio I I. Hæc autem illuminatio, quæ unus Angelus alterum illuminat, recipia est etiam purgatio, & perfectio quedam intellectus eius qui illuminatur; quæ proinde tria recipianam & eandem actionem significant. Ita sanctus Thomas citat. quæstione 106. articulo 2. ad 1. & sumitur ex S. Dionysio citat. cap. 8. coel. hierarch. vbi docet, unum Angelum ab alio non solum illuminari, sed etiam purgari, & perfici, ut vidimus. Id quod ita optime declarat sanctus Thomas ibidem: secundum modum, inquit, illuminationis est accipienda & purgatio, & perfectio. Et quia Deus illuminat, immutando intellectum & voluntatem, purget à defectibus intellectus & voluntatis, & perfici in finem intellectus & voluntatis. Angeli autem illuminatio referunt ad intellectum, ut dictum est; ideo etiam purgatio Angeli intelligitur à defectu intellectus, qui est neficitia; perfectio autem est consummatio in finem intellectus, qui est veritas cognita;

Sensus est, purgationem Angelus ab Angelo factam nihil aliud esse, quam depulsionem ignorantia, nec perfectionem aliud, quam perditionem intellectus ad proprium suum finem, qui est cognitione veritatis; ex quo sequitur, ea recipia non differre ab illuminatione, sed esse unam & eandem actionem sub triplici respectu, ut ibidem amplius declarat sanctus Thomas: Et hoc est, quod dicit Dionysius 6. cap. coel. Hierarch. quod in ecclesiis hierarchia purgatio est in substantijs & essentijs, tanquam ignororum illuminatio in perfectionem scientie inducens. Sicut si dicamus usum corporalem purgari, in quantum remouentur tenebrae; illuminari vero, in quantum perfunditur lumine; perfici vero secundum quod perducitur ad cognitionem colorati. Eandem assertione tradunt Caecilius & Thomista ibidem, Gregorius de Valentia infra; & Suarez hic libro 6. cap. 11. num. 9. ex communis. An vero ad hanc purgationem pertinet, illud Job. 41. v. 16. Timebunt Angelii, & territi purgabuntur, videri possunt interpres scripture, & Vasquez disp. 216. n. 28. vbi id recte negat.

Assertio III. Illuminatio Angelus in hoc formaliter & essentialiter consistit, quod Angelus ille, qui alterum illuminat, interueniente locutione Angelica, dub. præced. explicata, veritatem aliquam, per modum quasi Magistri docentis alterius Angelus, accommodare ad eius modum intelligendi, proponit, distinguendo & propounding rem manifestandam etiam sub pluribus conceptibus, quatenus id modus intelligendi eius Angelus, qui illuminandus est, requirit. Ita docent Alensis i. p. q. 38. mem. 3. Bonaventura in 2. d. 10. a. 2. q. 2. Egidius d. 9. q. 1. a. 5. Argentino q. 1. a. 3. Marfilius in 2. q. 7. a. 4. Gaietàtanus, Molina, & recentiores Thomistæ cit. q. 106. a. 1. Gregorius de Valentia disp. 8. quæst. 4. pun. 1. Vasquez disp. 216. cap. 5.

Probatur & declaratur assertio. In quo enim consistat hæc illuminatio, non minus variâ est Doctorum sententia; quæ de locutione Angelica dictu dub. præced. Vniuersim autem sententia omnes

ad duas possunt reuocari. Prima ait, ab Angelo illuminante, aliquid effectue imprimi illuminato; videlicet aut ipsam notitiam rei ab illuminante concepta, vt docent Scotus in 2. distinct. 2. q. 2. & Bassolis q. 1. a. 2. vel notitiam conceptus eius qui illuminat, vt dicunt Gabriel in 2. d. 9. q. 2. a. 4. Ockam in 2. q. 20. a. 2. aut lumen supernaturale, vt nonnulli aiunt, seu vt loquitur Richardus in 2. dist. 9. a. 2. quæst. 1. radium spirituale; aut intentionem luminis naturalis, vt inter alios modos tueretur Heruæus cit. dist. 9. quæst. 1. a. 1. aut virtutem quandam intentionalem, vt docet Capreolus in 2. dist. 11. q. 3. a. 3. aut denique speciem intelligibilem illius actus, quem Angelus illuminans manifestat, & per quem etiam ipse cognoscit rem, de qua alterum illuminare intendit, vt docet Suarez hic lib. 6. cap. 13. à num. 24.

<sup>11</sup> Cui sententia generatim accepta videtur etiam non parum fauere sanctus Thomas cit. q. 106. art. 1. vbi docet, illuminationem Angelicam in duobus positam esse; nimurum, & quod intellectus Angelii illuminandi ab illuminante fortificatur & corroboratur, & quod superior ille Angelus veritatem, quam ipse uno simplici & communi conceptu distincte cognoscit, in plures particulares rationes quasi dispersit, vt Angelus inferior, qui illuminandus est, capere possit. Vbi sub nomine fortificationis seu confortationis videtur S. Thomas constitueri aliquam actionem & efficientiam Physicam Angelii illuminantis in illuminatum. Quo quidem sensu etiam eam quoque doctrinam intellexerunt & refutarunt Agidius, Durandus, & Vasquez locis citatis, defenderunt autem & secuti sunt Heruæus, & Capreolus locis citatis, vt dictum.

<sup>12</sup> Verum altera &erior est sententia, Angelum illuminantem nihil physicè agere in eum, quem, illuminat, sed solum ad modum alicuius Magistri, extrinsecus ei proponere & manifestare veritatem, accommodate ad modum ipsius intelligendi, vtendo simul locutione, qua suos illi conceptus manifestat, vt in assertione dictum; cui fauent Augustinus in Psal. 118. conc. 18. & Cyrilus Alexandrinus lib. 1. in Ioann. cap. 9. vt persequuntur Vasquez cit. cap. 5. Rationes sumuntur ex dictis de locutione Angelorum dub. præced. speciationi quia Angelii nullam formam præter motum localem, possunt ad extra producere, præferunt in diffinis, aut per ipsum actum immanentem intellectus non naturaliter, sed quasi libere agentem, pro arbitrio Angelii. Item quia alias etiam in nos ita agere possent illuminando, &c.

<sup>13</sup> Neque diuersum sentit S. Thomas loc. cit. vt recte Caecilius & Thomistæ recentiores ibidem, itemq. Gregorius de Valentia loc. cit. non solum quia S. Thomas ibidem ad 2. expresse ait, Angelum illuminantem non tradere alteri, quem illuminat, lumen natura, vel gratia, vel gloria; sed etiam quia quæstione 9. de verit. articulo 1. docet, corroborari intellectum Angelii illuminati, eò solum, quod insipit aliquid cognitum in Angelo superiori, ad alia cognoscenda; quo modo ait, etiam inter homines discipuli intellectum & lumen corroborari a Magistro.

Qui etiam cum infra q. 117. a. 1. assignat discrimen inter hominem docentem, & Angelum illuminantem, quod maxime virget Vasquez loco citat. non aliud dicit; quam quod illuminatio ab Angelo superiori sit per virtutem actiuam, superioris natura; cum inter homines omnis vis intelligendi, adeoque & docendi alterum, sit eiusdem speciei ac naturæ. Quocirca ex mente S. Thoma, confortari intellectum Angelii inferioris & ei accommodate ad ipsius intelligendi modum proponi rem manifestandam, non sunt duas actiones re diuersæ, sed una solum ratione distincta, quæ utreddit potenter Angelum ad intelligentium obiectū sua natura ac per se excedens ipsius vim intelligendi, dicitur confortari intellectus eiusdem, eofero modo, quo etiam purgari, illuminari, & perfici Angelum inferiorem a superiori non sunt nisi ratione distincta, vt supra ex eodem S. Thoma diximus.

Dices; quomodo potest Angelus accommodatae ad modum intelligendi inferioris veritatem proponere, cum unum tantum certum habeat in intelligendi modum. Respondeo id fieri, siue quia hic ipse modus intelligendi, licet secundum entitatem suam semper sit superior modo intelligendi inferioris, in viu tamén ipso (cum latitudinem habeat & quandam indifferitantem cognoscendi rem eandem vel cognitione adequata sue speciei, vel inadequate) se accommodat ad modum intelligendi inferioris; siue quia eti si suo ipse modo intelligendi rem cognoscat, potest tamen quibusdam similitudinibus, aut exemplis, alijsue declarationibus utendo docere, qua ratione inferior Angelus eam capere possit.

<sup>14</sup> Assertio IV. Ad illuminationem non sufficit cuiusvis veritatis manifestatio, sed necesse est, vt ea veritatis cognitione perfectiore reddat intellectum audientis; siue interim sit quoad ipsam substantiam supernaturalis, siue non; & siue ab illuminante cognoscatur in Verbo formaliter, siue extra Verbum, per propriam & specialem D'Irenelationem; siue denique concernat alias circumstantias ad fidei mysteria spectantes, siue sit de ceteris rebus, & præcipue futuris contingentibus, quæ pertinent ad diuinam prouidentiam & dispositionem mundi & præcipue ad salutem electorum. Ita docet S. Thomas q. 106. a. 4. qui etiam eodem sensu q. 109. artic. 3. docet. Illuminare non esse manifestare quamecumque veritatem, sed eam solum, quæ ordinat, aut ordinem habet ad Deum; nimurum esto alioqui sit ordinis naturalis, vt recte Vasquez disp. 206. cap. 5. qui ex communi sententia universum tradit, illuminationem esse explicationem veritatis, quæ perfectiore reddat intellectum audientis: quibus consentit etiam Suarez hic lib. 6. cap. 14. & 15. vbi de hoc re prolixius agit.

<sup>15</sup> Ratio est. Tum quia alias qualibet locutio Angelica, etiam inter dæmones, esset illuminatio; quod est absurdum, & à S. Thoma cit. quæst. 106. artic. 3. & quæst. 107. articulo 2. & q. 109. artic. 3. ex instituto refellitur. Tum quia illuminatio, ex communione, dicit perfectionem quandam

quandam rei, adeoque etiam intellectus, qui illuminatur. Non spectat autem cuiuslibet veritatis cognitio ad perfectionem intellectus; sed vel universalis tantum & perpetua; vel eius, quæ & quatenus pendet à Deo tanquam prima veritatis & regula omnis veritatis.

<sup>16</sup> Quod S. Thomas cit. quæst. 107. artic. 2. his verbis declarat: *Quia veritas est lumen intellectus, & regula omnis veritatis est ipso Deus, manifestatio eius quod mente concipitur, secundum quod dependet à prima veritate, & locutio est, & illuminatio. Puta si unus homodictat alij, Celum est à Deo creatum; vel, homo est animal. Sed manifestatio eorum que dependent ex voluntate intelligentiæ ( ut sic ) non potest dici illuminatio, sed locutio tantum. Puta si aliquis alteri dicat, volo hoc addiscere, volo hoc vel illud facere. Cuius ratio est, quia voluntas creata non est lux, nec regula veritatis, sed participans lucem. Vnde communicare ea, quae sunt à voluntate creata, in quantum huiusmodi, non est illuminare. Non enim pertinet ad perfectionem intellectus mei, quid tu velas, vel quid tu intelligas, cognoscere; sed solum quid res veritas habeat. Et resp. ad 3. dicit: Omnis locutio Dei ad Angelos, est illuminatio. Quia cum voluntas DEI sit regula veritatis, etiam scire quid DEI velit, pertinet ad perfectionem illuminationis mentis creatae. Sed non est eadem ratio de voluntate Angelis, ut dictum est. Ex qua doctrina colliguntur Caietanus ibidem, ad illuminationem requiri, ut veritas proponatur per modum veritatis, hoc est, ut ipse ex S. Thomæ verbis explicat, prout consonat, aut dependet à Deo, velut summa regula veritatis.*

<sup>17</sup> *Affertio V. Angelus illuminans non ostendit veritatem propositam in verbo formaliter, sed peculiari notitia, extra verbum, cognoscendam: licet hæc ipsa possit dici cognitio veritatis in verbo causaliter. Hanc assertione ex communione tradit Suarez cit. lib. 6. cap. 14. post Capreolum in 2. dist. 11. q. 2. art. 3. Heretæcum dist. 9. q. 1. a. 2. ad 3. & Aureolum in 2. dist. 9. q. 1. art. 3. licet Egidius in 2. d. 9. q. 1. a. 5. & Argentina art. 3. dicant, Angelum illuminantem ostendere veritatem in Verbo formaliter: quibus nonnulli fauent Scotus distinctione 9. quæstione 2. & Bassolis ibidem quæstione 1. cum interim est contra Vasquez disp. 117. cap. 2. dicat, nec illuminari quidem Angelos ab alijs Angelis, de veritatis quas in verbo vident causaliter; cum potius de his omnibus, quæ in verbo vident, seu formaliter, seu causaliter, illuminentur ab ipso DEO.*

<sup>18</sup> Sed probatur assertio quoad priorem partem. Tum quia visio beatifica, adeoque cognitio in ipso verbo formaliter, est immutabilis; ac proinde non pertinet ad ea cognoscenda, quæ successivæ primum à beatis cognoscuntur, ut alibi sepius dictum. Tum quia visio beatifica multo sublimior est, quam ut ab alio Angelo respectu ullius obiecti causari & effici possit. Tum quia cognitio Angelii illuminanti aliquo modo respondere debet cognitioni Angelii illuminantis, per quam alterum illuminat: hæc autem non est visio ipsa beatifica, quia hanc alteri Angelo ostendere nequaquam potest, ut pluribus ibidem persequitur Suarez.

Posterior pars, quam præter citatos pro parte præcedenti, tradunt etiam Scotus, Bassolis locis citatis, & Caietanus in parte, quæstione 57. articulo 5. contra Vasquezum loco citat ex eo probatur: *Quia omnis illa cognitio beati, recte dicatur cognitio in Verbo causaliter, quia fundatur in ipsa visione beatifica, eamque supponit, ac ex ea aliquo modo derivatur & proficitur, iuxta congruentiam ipsius status beati; siue immediate proficitur ab ipso Deo; siue per medium aliquod ab Angelo, alioque beato, ut habet communis modus loquendi Theologorum; talis autem est etiam cognitio per illuminationem Angelii accepta: Ergo quæ per eam cognoscuntur, recte dicuntur cognoscere in Verbo causaliter, tametsi simul etiam cognoscuntur per revelationem diuinam; quandoquidem Angelus illuminans ea proponit ut à Deo revelata, seu quodidem est, ut confona diuinæ veritati, eidemque innixa.*

<sup>19</sup> *Vnde etiam assensus ille, quo Angelus illuminatus eidem veritati assentitur, est assensus cuiusdam fidei infallibilis, nixus ultimata evidencia DEI revelantis, ac proinde etiam ipse evidens in revelante, ut post Scotum & Bassolem locis citatis recte Suarez citat. cap. 14. numero 24. Nec hoc est contra perfectionem status beatifici, ut putauit Egidius loc. cit. cum ea sit ex suo genere perfectissima cognitio, proximum post vihonem beatificam locum tenens. Ratio est. Quia Angelus illuminatus evidenter videt Angelum sibi loquentem, & de tali re testificantem, & illumine beatum, nec posse mentiri. Quare scit etiam eundem Angelum à quo illuminatur, accipisse veritatem propositam ab ipso Deo, vel immediate, si Angelus sit suprema hierarchie; vel saltem mediata, si sit alicuius ordinis intermedii ut bene Suarez ibidem.*

<sup>20</sup> *Dices: hac ratione effici, ut etiam dæmones possint illuminari, saltem ab Angelis bonis, cum eadem ratione de veritate aliquæ diuinæ sibi manifestata, elicere possint assensum evidenter in revelante. Respondeo eum sancto Thoma citat. quæst. 109. artic. 3. & artic. 4. ad 1. negando se quelam, proprie loquendo: non solum quia dæmones non recipiunt eam manifestationem per modum ordinantis ad DEVM; sed etiam quia veritatis illa qualis qualis cognitio non perficit dæmonem, sed potius punit, cruciat, & ratione malis vsus, deformat. Etsi fatendum, quod docet Gregorius de Valentia disp. 8. quæst. 4. pun. 3. hoc totum pendere ex vñ vocabuli illuminationis in proposito.*

<sup>21</sup> *Affertio VI. Illuminare solum conuenit Angelis superioribus respectu inferiorum; non autem inferioribus erga superiores. Ita expresse sanctus Thomas citat quæstione 106. articulo 3. Caietanus, Molina, & Thomistæ omnes ibidem & Doctores communiter in 2. distinctione 9. speciatim Egidius quæst. 1. articulo 4. dub. 2. Richardus articulo 2. quæstione 2. & 3. Scotus quæst. 2. Bassolis quæstione 1. articulo 1. Gabriel quæst. 2. articulo 4. Marsilius quæstione 2. a. 4. Maior quæst. 2. Gregorius de Valentia disput. 8.*

quæst. 4. pun. 1. & tandem fere consentit S. Thos cit. lib. 6. cap. 15. à num. 30. quamvis antea diu multumque in contrarium disputasset. Probatur ex S. Dionysio cap. 5. de Ecclesiastico ex quo hæc verba refert sanctus Thomas loco citat. *Hæc est lex diuinitatis immobilitatem firmata, ut inferiora redi- cantur in D. E. M. per superiora, seu ut habet ver- sio Petronij, Mos quidem hic est diuinitatis sanctissi- mus, per prima, secunda & inferiora ad diuinitatem lucem suam deducere. Idem exprefse docet Diony- sius cap. 8. cœl. hierarch. in verbis supra rela- tis.*

Ratio est. Tum quia illuminare est quodam perficere & purgare, ut dictum; quod ab inferioribus Angelis erga superiores, in statu beatitudinis, (vbi omnia quam ordinatissima, nec villa ordinis perturbandi ratio esse potest, ut notauit sanctus Thomas citat. questione 106. articulo 3.) non conuenienter præstat. Tum quia circa res à D. E. O. reuelatas, seu vniuersim circa cognitionem, qua intellectus perficitur aut nihil sciunt Angelii inferiores, quod superiores nesciant, aut si in casu extraordinario securus fiat, id accipiunt inferiores quasi sub fe- creto, alijs proinde non reuelandum, nisi Deus ipse reuelet.

Denique credibile est, nihil inferioribus reue- lari, quod saltem non sit supremis Angelis cognitum: hi vero cum sint maxime boni & com- municatiuius sive perfectionis, sicuti secreti lex non obstat, omnia manifestant inferioribus, quæcumque sciunt, ut ex Dionysio cap. 15. cœl. hierarch. afferit sanctus Thomas quæst. 106. art. 4. & sequuntur Thomistæ ibidem, & Gregorius de Valentia loc. cit. conuenienter etiam sancto Gregorio homil. 34. in Euang. vbi ait: *In cœlesti patria licet quadam data sint excellenter, nihil tamen poscidetur singulariter: Ergo nihil restat, quod superiores Angelii doceantur ab inferioribus. Nihilominus tamen per absolutam Dei potentiam, nihil obstat, quo minus etiam superiores aliquando illuminentur ab inferioribus, ut cum Ga-*

briele in 2. d. 9. q. 2. a. 4. recte Gregorius de Va- lentia loc. cit.

Affterio VII. Potest quidem Angelus etiam alterius Angelii mouere voluntarem, sed non per se immediate eam inclinando, sed solum ex parte obiecti; tum per modum obiecti atabilis; tum per modum præponentis tale obiectum, sive creatum sit, sive increatum: quamvis neutro modo per se sufficienter & infallibiliter voluntatem moueat. Ita S. Thomas citat. quæst. 106. a. 2. ex communis. Prima pars patet; quia Angelus supremus exemplo suo traxisse putatus alios ad peccatum, ut suo loco dicetur. Secunda pars probatur. Quia proprium est authoris naturæ, naturam per se immediate, absque alia causa sufficiente immutare. Tertia pars sequitur ex præcedenti; & quia etiam inter homines, ita unus alterius voluntatem potest mouere. Quarta & ultima probat. Quia inter bona extrinseca, solum summum & infinitum bonum clarè & quidditatem cognitum (quod est D. E. S. virtus) necessario quoad exercitium, & infallibiliter mouet voluntatem: carera autem bona particularia non item. Ergo non potest ipse per se sufficienter & infallibiliter inclinare voluntatem. Ex quo sequitur, unum Angelum non necessario quoad exercitium diligere alterum Angelum; ut etiam superius dictum dub.

Dices; superiorem Angelum mouere posse infallibiliter inferiorum, per modum præcipiens. Respondeo, etiam si inter Angelos præcipiendi authoritas admittatur, ut ex sancto Thoma quæstione 108. articulo 4. & questione 109. articulo 2. docet Gregorius de Valentia disput. 8. questione 4 pun. 3. eam motionem tamen non esse infallibilem per se, & ex ipsa præcipiens motione; cum Angelus sua natura etiam Deo præcipienti potuerit repugnare; sed inter bellos tamen est infallibilis; ex vi divinae visionis ac motionis; qua Angelus beatus non potest voluntati Dei, per se, aut subordinatos Ministros præcipiat, obliquetari.

## QVÆSTIO V.

### De Angelorum potentia locomotiva, seu operativa transirent; siue de operationibus eorumdem ad extra.

S. Thomas I. p. q. 51. 110. 111. 112. 113. & 114.

**A**bsolutetur hoc questio sex dubitationibus. I. An, que, & qualis potentia locomotiva seu operativa ad extra sit in Angelo, an ab intellectu & voluntate distingua; an etiam actua in distans; & miraculorum operativa. II. Quæ res Angelii loco mouere possint, an non solum substantias corporeas, sed etiam incorporeas: & quo modo. III. Quid particulatum de translatione sagarum ad sua convenientia sentiendum. IV. An etiam sit in Angelo naturalis vis seu potentia productiva alicuius substantie, vel qualitatibus: & quid speciatim de sagarum conversione in varias formas animalium; tempestatumque nocturnum concitatione sentiendum. V. An & quæ ratione possint Angelii assumere corpora; & per ea actiones vitales exercere. VI. An & quæ ratione generali ordinem & statum huius mundi immutare, rerumque naturalium efficientiam suspendere, vel impedire possint. De Angelorum vero bonorum custodia, & malorum infestatione agetur quæst. sequente.

DVBIVM